BARANGAY TIPAN LEADERS ORGANIZATION Tipan, Oroquieta City

BATAKANG BALAOD

PASIUNA

Kami mga myembro sa Barangay Tipan Leaders Organization kinsa nga nagkahiusa ang among tinguha sa pagmugna ug usa ka kapunungan alang sa kauswagan o kalambuan ug pag-uswag kanamong mga sakop niini pinaagi sa panginabuhi , pamatasan ug kinaiya ubos sa kahayag sa atong Dios nga langitnon ug labing gamhanan, dinhi nagmugna ug balaodnon kinsa nagbutyag ning maong "constitution and by-laws"

ARTIKULO I NGALAN UG LUGAR SA KAPUNUNGAN

- Section 1. Ang ngalan ning maong kapunungan mao ang Barangay Tipan Leaders Organization.
- Section 2. Ang dapit o lugar nga opisyal nga nahimutangan sa among kapunungan mao ang Tipan, Oroquieta City.

ARTIKULO II KATUYUAN

- Section 1. Ang katuyuan sa kapunungan mao ang pagpanalipod ug pagpalambo sa kaayuhan , katungud ug komon nga interes alang sa tanang sakop sa kapunungan.
- Section 2. Ang labi pang importanting katuyuan sa kapunungan mao ning musunod:
 - 2.a. Ang pagplano ug pagmugna ug usa ka programa sa panginabuhi sa mga sakop niini.
 - 2.b. Ang pagdasig sa mga sakop sa kapunungan sa paghimo ug mga buluhaton nga mahimong maayong kapanaminan sa kalibutan.
 - 2.c. Ang pagtimbayayong ug pagtinabangay alang sa kaayuhan ug kalambuan sa organisasyon kauban sa pagsalig ug pagtuo sa Dios nga labaw makagagahom ug tag-iya sa tanang mga butang sa kalibutan.
 - 2.d. Paghimo ug uban pang kalihukan sa kapunungan nga may kalambigitan sa mga katuyuan sa paglambo ning maong kapunungan.

ARTIKULO III PAGPASAKOP UG PAGKATANGTANG SA PAGKASAKOP

Section 1. Ang pagpasakop ning maong kapunungan mahimo ni bisan kinsa nga leader sa Barangay Tipan, Oroquieta City.

Section 2. Ang gusto magpasakop ning maong kapunungan kinahanglan dise-utso (18) panuigon pataas.

Section 3. Ang pagpasakop ning kapunungan kinahanglan mobayad sa kantidad nga P 50.00 isip membership fee.

Section 4. Ang pagpasakop ning maong kapunungan kinahanglan motoman sa lagda ug balaod nga gilatid sa organisasyon sa pagpasakop ug kinihanglan mobayad siya sa mga balayronon sa kapunungan.

Section 5. Basehan sa pagkatangtang sa Pagkamiyembro:

- 5.a mapamatud-an nga wala musunod ning balaod ug mga kasabutan gawas ning balaod
- 5.b makatulo (3) ka sunod sunod nga pag-absent nga walay balido nga rason

ARTIKULO IV KATUNGOD UG KATUNGDANAN SA MATAGSAKOP SA KAPUNUNGAN

Section 1. Katungod. Ang matag sakop sa kapunungan kinahanglan magpabilin isip maayong sakop sa kapunungan aron siya makapahimulos ning maong mosunod nga katungod:

- 1.a paminawon ang iyang katungod o opinion sa mga butang nga may kalambigitan sa kapunungan
- 1.b may katungod siya sa pagbotar sa butang nga ipresentar diha sa meeting o sa pagpili panahon sa eleksyon ug kalamboan sa assosasyon
- 1.c makatagamtam siya sa tanang benepisyo nga alang sa sakop sa kapunungan.
- 1.d may katungod sa pagpangayo sa impormasyon sa mga record, libro ug uban pa
- 1.e may katungod sa pagpaili ug magpapili sa matag piniliay sa kapunungan

Section 2. Katungdanan. Ang matag sakop sa kapunungan adunay katungdanan ning mga musunod:

- 2.a pagtuman sa constitution and by-laws ug mga resolusyon nga gimugna sa Kapunungan ug uban pang pamalaod
- 2.b pagpanalipod sa ngalan ug integredad sa kapunungan
- 2.c pagpalambo ug pagsuportar sa interes ug katuyuan sa kapunungan
- 2.d aktibo nga motambong ug mosalmot sa tanang meeting ug kalihukan sa Kapunungan
- 2.e mobayad sa tanang balayronon ug amoton nga gikauyunan sa tanang sakop sa Kapunungan

ARTIKULO V ASSEMBLIYA HENERAL

Section 1. Ang assembliya heneral mao ang pinakataas nga magbabalaod sa kapunungan ug ang tanang balaod, polisiya, ug mga plano nga iaprobahan sa assembliya ginahanglan pagasundon sa tanang sakop sa kapunungan.

Section. 2. Ang assembliya heneral nagalangkob sa tanang sakop sa kapunungan.

ARTIKULO VI OPISYALIS UG MEMBRO SA KOMITIBA

Section 1. Ang mga sakop sa kapunungan magpili ning mga opisyalis ug mga membro sa mga komitiba nga mao ning mga musunod :

- i. usa (1) ka pangulo
- ii. usa (1) ka puli pangulo (vice president)
- iii. usa (1) secretaryo
- iv. usa (1) ka tresurero
- v. tulo (3) kamga membro sa komitiba sa audit/imbentaryo
- vi. tulo (3) ka membro sa komitiba eleksyon.

Section 2. Duha ka tuig ang termino sa matag opisyales ug komitiba.

ARTIKULO VII MGA BULOHATON SA MGA OPISYALIS UG MGA MEMBRO SA KOMITIBA

Section 1. PANGULO. Siya ang pangulong ehekutibo, mudumala sa matag tigum, morepresentar sa kapunungan, mopirma ug papeles sa kapunungan, mopatawag ug emergency meeting kong gikinahanglan ug tsirman sa tanang meeting.

Section 2. PULI-PANGULO. Siya mao ang mopuli sa buluhaton sa pangulo panahon nga wala ang pangulo.

Section 3. SECRETARYO. Siya ang tig kuha sa mga menutos sa tanang meeting sa kapunungan ug mopreparar sa mga resolution, pahibalo sa tanang meeting nga pagahimuon sa opisyalis ,komitiba ug sa mga sakop sa kapunungan ug mohimo ngadto sa tanang buluhaton nga isugo sa mga opisyalis niini.

Section 4. TRESURERO. Siya ang tighipos sa mga kabtangan ug modiposito sa kwarta sa kapunungan ngadto sa bangko, mo record ug mga documento lakip na ang tanang bililhong butang sa kapunungan.

Section 5. KOMITIBA SA AUDIT /IMBENTARYO. Ang mga komitiba maoy mga audit ug mo imbentaryo sa panalapi ug kabtangan sa kapunungan ug morekumendar sa pag-aprobar sa mga transaksyon sa kapunungan mahitungod sa resibo , panggastos ug paggawas sa kantidad ug bililhong butang sa kapunungan.

Section 6. KOMITIBA SA ELEKSYON. Ang maong komitiba maoy magdumala moproklamare sa mananaugs a eleksyon ug musalbar kon adunay eleksyon protest nga isubmet sa kandidato.

ARTIKULO VIII PANAGKATIGUM

Section 1. Ang binulan nga meeting sa matag miyembro pagahimuon matag ikatulong sabado sa matag bulan..

Section 2. Pagahimuon nga quorum —Ang meeting pagahimuon nga quorum kon makakuha na ug mayorya sa mga sakop sa kapunungan labaw na sa katunga (50 + 1) ang gidaghanon sa sakop sa kapunungan ang mitambong, mao na kana ang quorum.

ARTIKULO IX MONTHLY DUES/ PENALTY/SHARE CAPITAL

Section 1. Kada miyembro magabayad ug binulang balayronon nga Php 5.00.

Section 2. Si kinsa nga miyembro ang dili maka-attend ug meeting ug mga aktibidadis pagasilutan ug Php 10.00.

Section 3. Ang matag miyembro obligado nga muhatag ug share capital nga PhP 100.00.

ARTIKULO X SOURCES OF FUNDS

Section 1. Ang mga musunod mamahimong dinhi magikan ang pundo sa assosasyon:

- 1.a share capital sa matag miyembro
- 1.b monthly dues
- 1.c penalties
- 1.d financial assistance from granting agencies
- 1.e ug uban pang legal nga paagi ka kapanguhaan ug pundo

ARTIKULO XI REELEKSYON SA MGA OPISYALIS UG MGA MEMBRO SA KOMITIBA

Section 1. Ang pagpili sa mga opisyalis ug mga membro sa mga komitiba sa kapunungan pagahimuon maka usa sa matag duha (2) sa tuig sukad sa pagkamugna niini ug mamahimong mapili ang usa ka opisyales sa susamang posisyon sulod sa duha lamang ka termino.

Section2. Ang pamaagi sa pagpili sa mga opisyalis ug membro sa komitiba paga himuon sa sekreto nga balota. Mayoriya nga boto mao ang iproklamar nga mananaog sa maong piniliay.

Section 3. Ang napilian nga opisyalis ug mga membro sa komitiba molingkod sa katongdanan usa ka bulan human sila napili.

Section 4. Bakante nga posisyon –Kon mobakante nga posisyon sa opisyalis o membro sa komitiba, ang pangulo mopatawag dayon ug usa ka espesyal nga piniliay sa nakabakante nga posisyon .

ARTIKULO XII KAUSABAN

Section 1. Kon adunay kausaban nga pagahimuon niini nga constitution and by –laws, kini ipresentar sa Assembliya Heneral ug paga aprobahan sa 2/3 nga gidaghanon sa mga sakop sa kapunungan .

ARTIKULO XIII EPEKTO

Section1. Kini nga constitution and by-laws	moepekto h	numan mipirr	na ang mga s	akop
kapunungan niining ika sa bulan	2010 dinhi sa	Oroquieta Cit	y, Philippines.	
afronce				
Edgar Obsom				
(signature over printed name of the president)				
100				
FLORD P. PHZUTA				
(signature over printed name of the vice-president)				
all mutero				
LEJANDRA Y MONTEJO				
(signature over printed name of the secretary)	Angel and			
O . Aday				
OLIVA B YANOYAN				
(signature over printed name of the treasurer)				
W. A.C.				
MADIA / C.S. GUIBOL				
	March 1997 Control			

(signature over printed name of the auditor)